

Чир-чайаанның табыстарына көөгіп пүткен сөстөр

Чир-чайаанның табыстарына көөгіп пүткен сөстөр пір дее көңнілерні, сағыстарны көзітпинчелер, ниме идерге хығырбинчалар, олар олаңай истілчеткен тапсағларны, хысхырығларны, аң-хустар сығарчатхан табыстарны читірчелер¹.

Чир-чайаанның табыстарына көөгіп пүткен сөстөр:

1) *кинетін кизідең сыхчатхан, кизінің көңнін таныхтапчатхан сөстөр (хатхы, күлкі, ылгааны, сыхтааны, сығырған паза ан.п.);*

2) *аңнар паза маллар табыстарына;*

3) *хустар табыстарына;*

4) *хурт-хоостар сыылаанына;*

5) *сууласха, күүлеске, сыңырасха, ығырасха, тоғынчатхан машина табыстарына, чир-чайаанның табыстарына (үннеріне) (чил, наңмыр, чалын, ан.п.).*

1) Кинетін кизідең сыхчатхан, кизінің көңнін таныхтапчатхан сөстөр

(хатхы, күлкі, ылгааны, сыхтааны, сығырған паза ан.п.)

-ха-ха/ -хи-хи — тың хатхырчатханға, эресчеткенге көөкчеткені: «**Ха-ха!**» - иреннернің тадырада хатхызы чиде салган (НД, БІА); Анчада Оралдай пазох кидіреде хатхыр сыххан: «**Ха-ха!**» (ИК);

-сыых-саах — сыыхтаанға, сығырғанға көөкчеткені: *Олғаннар сыых-саах түс сыхханнар;*

-ыы — ылғапчатханын таныхтапча: **-Ы-ы...** *Че ол чоохтан полбинча, - сүт ізіп ала, алыхтанган пала (АХ, А);*

¹Грамматика хакасского языка. - М., 1975. - С. 132.

-ыңаа-ыңаа — час пала ылғапчатханына көөкчеткені;

-сыр-сар — олғанның ылғапчатханына, хыңзыпчатханына көөкчеткені;

-ыың-ааң — хыңзыпчатханына көөкчеткені;

паай-паай — узутчатхан сарынның сөстөрү: паай-паай парарға;

-пыс-пыс/-мыс-мыс/-мыс-мас — сыылапчатханга көөкчеткені: *Хызыл иріннерін хыза тут салган, көні пуруннарынаң **мыс-мас** тыңглаан (ТБ);*

-мычыр(т)-мачыр(т)/-мырт-март — пірее ниме тайнапчатса, сыхчатхан табысха көөкчеткені: *Мыс-мас тынча, **мычырт-мачырт** тайнанча, - көре хоргыстыг (СЧ);*

-порт-парт — пірее ниме пулбыранчатханга көөкчеткені;

-хырт-харт — сілегейні алай суғны азырчатса, истілчеткен табыс: *Анда да аның чілбірең харахтары хазыра тарта халча, сілегей тамаанзар чылбырап, **хырт-харт** түс сыхча;*

-хм/-гм — ікінчлесті, киртінминчеткенін таныхтапча: *«Гм!» - тiп позы алынча чоохтаныбысхан;*

-тыдыр-тадыр/-тылбыр/-талбыр — тузазы чох чоохты таныхтапча;

-неп-неп — кізі ізіг нимее тееп парза, сығырчатхан тапсағларны таныхтапча;

-бр-р — кізі соохха тоопчатса, сығырчатхан тапсағлар;

-ныш-наш/-ныш-нарт — пірее нименең хорых парған кізінің чүреенің тоғызына көөкчеткені.

2) Аңнар паза маллар табыстарына көөгіп пүткен сөстөр

-аг-аг-аг — адай үрчеткеніне көөкчеткені;

-ыр-р — адай алай пүүр ыыранғанына көөкчеткені: *Пүүр, кинетін пазын көдіріп, пурнынаң чыстап ала тiпче: «**Ыр-р-ыр-р!** Минің пурным кізі сизінче» (фольк.);*

-мүү, муу — інек мүүрепчеткеніне көөкчеткені;

-маа/ма/бэ-бэ — хой марааныны көөкчеткені;

-мее/ме — хурағанахтар мараанына көөкчеткені;

- мээ/мэ* — өскенің мараанына көөкчеткені;
- чап-чуп* — сосханың алай адайның чаплатчатханына көөкчеткені;
- сыых-саах* — күскелернің сыых-саах түсчеткеніне көөкчеткені;
- паг-паг/-по-бу, по-бу* — пағаның тапсаанына көөкчеткені;
- ш-ш-ш* — чыланның сыылаанына көөкчеткені;
- у-у-у* — пүүрнің алай адайның улчатханына көөкчеткені.

3) Хустар табыстарына көөгіп пүткен сөстөр

- ке-ке-ре-ку!* «*кукареку!*» - петухтың тапсаанына көөкчеткені: *Петух хана үстүне сыгып алып, хысхыр сыххан: «Ке-ке-ре-ку! Ке-ке-ре-ку!»*;
- хат-хат-хат/-кут-кудах* — таңахтың хатлаанына көөкчеткені;
- хаах-хаах* — хастарның алай өртектөрнің хахтапчатханнарына көөкчеткені: *-Хаах-хаах!» - суз үсүнчө іргек хас учух чөрібіскен;*
- хаах-хаах/-кар-кар* — харғаның хахтапчатханына көөкчеткені: *«Хаах!» - хысхырыбысхан ол туста уйдаагы харга;*
- хоох-хоох* — голубоктарның үүктесчеткеннеріне көөкчеткені;
- пучуп-пачыр* — хусхацахтарның пычырасчатханнарына көөкчеткені;
- чыгыр-чазыр* — поратайларның чыгырасчатханнарына көөкчеткені;
- кек-күү* — көөктің тапсапчатханына көөкчеткені;
- хорт-хорт* — хартығаның табызына көөкчеткені;
- таарт-таарт* — таарттың тапсаанына көөкчеткені;
- түр-түр* — торлағанның тапсаанына көөкчеткені;
- түрли-түрли* — күркүнің тапсаанына көөкчеткені;
- хычыр-хачыр* — саасханның хачырапчатханына (алай сайрапчатханына) көөкчеткені;
- сыых-саах* — хусхацах палазының сыыхтаанына көөкчеткені;
- у-гу-у/-ух-у-ух* — үгүнің табызына көөкчеткені: *Харасхы поларынаңох, хайалыг тагзартын үгү табызы пір оңдайнаң: «-У-гу-у, ух-уух» истіл сыххан (ИК);*

4) Хурт-хоостар сыылаанына көбгүп пүткен сөстөр

-з-з-з/-ыы-ыы — сөөктөр, аарлар сыылаанына көөкчөткөнү: *Учух париза* — *з-з-з сыылапча, чирге түссө* — *чир хасча (сиспек)*;

-чыр-чар — чырлаас чырлаанына көөкчөткөнү;

Литература

1. Боргояков В.А., Медведева М.А., Кызласова И.Л., Чебодаева Л.А. Хакас тили. Морфология (Пос алынча чоох чардыхтары): үгредиг пособиеси/ В. А. Боргояков, М. А. Медведева и др. – Ағбан: Н. Ф. Катановтың адынаң хакас хазна университетиниң издательствозы, 2018.
2. Грамматика хакасского языка [Текст] / Под ред. Баскакова Н.А. – М.: Наука, 1975.
3. Сравнительно-историческая грамматика тюркских языков. Лексика [Текст]. – М., 2001. – С. 692-693.
4. Хакас тили. Морфология [Текст] / 021700.02 Филология (Хакас тили паза литература) специальностьча үгренчөткөн студенттерге үгредиг пособие / филнд Карповтың В.Г. редакциязынаң – Ағбан: Н.Ф. Катановтың адынаң Хакас хазна университетиниң издательствозы, 2004. – С. 38-45.
5. Чебодаева Л.И. Хакас тилиниң практикумы. 050302 — Хакас тили паза литература специальностьча үгренчөткөн студенттерге үгредиг пособие / Л. И. Чебодаева, А. Н. Чугунекова, М. Л. Тахтаракова; филнк. Л.И. Чебодаеваның редакциязынаң. - Ағбан: Н.Ф. Катановтың адынаң хакас хазна университетиниң изд-возы, 2009. - 149 с.